



Randi Vestergaard Evaldsen
Inatsisartunut ilaasorta, Demokraatit

Inuit aqqi pillugit inatsit atsiisarnerlu pillugit - § 37 naapertorlugu apeqqummut akissut

06-09-2017
Suliaq nr. 2017 - 18682
Allakkat nr. 6012912

Asasara Randi Vestergaard Evaldsen.

Postboks 1029
3900 Nuuk
Oqarasuaat: +299 34 50 00
Fax.: +299 32 20 73
Email: ikiin@nanoq.gl
www.nanoq.gl

Inatsisartut suleriaasiat naapertorlugu apeqquinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Naalakkersuisut suliniutigissanerlugu Kalaallit Nunaannut atuuttumik atinut inatsimmik sananissartik?

Akissut:

Kalaallit Nunaanni Inuit aqqinut tunngasunut inatsit atuuttoq siullermik tassaavoq Inuit aqqi pillugit inatsit nr. 193, 29, aprili 1981-imeersoq allannguuteqarluni Inuit aqqi pillugit inatsisip Kalaallit Nunaanni atortunngortitaaneraniq peqqussut nr. 549, 21, augusti 1986-imeersoq Kalaallit Nunaanni atuutilersoq.

Naalakkersuisut namminneq inuit aqqi pillugit inatsisiliornissamut piginnaatitaanngillat, atinut tunngasut ilaqutariinnut inatsiseqarnermut tunngasut ilagimmatigit, danskit inatsisiliorsinnaatitaanerannut atasut. Sammisaaq taamaallaat ataatsimoortillugu tiguneqarsinnaavoq.

Naalakkersuisut danskit oqartussaasui suleqatigalugit inuit aqqi pillugit inatsit nutarterlugu aallarnisarpaat. Tassunga atatillugu inuit aqqi pillugit inatsisip iluarsaanneranut inassuteqartussamik inatsimmut piareersaasussamik ataatsimiititaliamik pilersitsisoqarpoq. Inuit aqqi pillugit inatsisip iluarsaannera sapinngisamik annerpaamik kalaallit nunaanni pissutsinut naleqqussarneqassaaq.

Apeqqut 2: Naalakkersuisut qinnuigineqarput nassuiaqqullugit malittarisassat suut (inatsisip nalunaarutillu) atuuttarnersut katinnerup kingorna nuliannngortup uinnngortup aqqanik tiguisoqassatillugu aamma peqataanik nalileqquneqarpoq malittarisassat maannakkut atuuttut naapertuunnersut?

Akissut:

Kinguliaqutit pillugit malittarisassat Inuit aqqi pillugit inatsisip Kalaallit Nunaannut atortussanngortitaaneraniq peqqussummi nr. 549, 21. august 1986-imeersumi kapitali 1-imi aqqiiffigineqarput.

Peqqussummi § 4, imm. 1-imi aalajangerneqarpoq aappariinnermi aappaasup katititsinnermi oqartussaasumut nalunaarnermigut, aappaasup akuersissuteqarneratigut

taassuma kinguliaa kinguliaqutitaarisinnaagaa. Katinnerinnarmi taamatut kinguliaqutitaaginnartoqarsinnaavoq, aapparisaamit pissarsiaralugu.

Aternut tunngasunut malittarisassat nutarterneqarnissaannut pisariaqartitsisoqarsinnaanersoq qimerluussallugu naleqquttusoq Naalackersuisut isumaqataapput. Tamatumunnga tunngatillugu ataatsimiititaliap inassutigiumaagai Naalackersuisut utaqqimaarniarpaat.

Apeqqut 3: *Naalackersuisut qinnuigineqarput nassuiaqqullugit malittarisassat suut (inatsisit nalunaarutillu) atuuttarnersut, nammineq qitornat atserneqarneranni atit (siulliit) sorliit atorneqarsinnaanerat eqqarsaatigalugu aamma peqataanik nalileqquneqarpoq malittarisassat maannakkut atuuttut naapertuunnersut?*

Akissut:

Siuliaqutit pillugit malittarisassat Inuit aqqi pillugit inatsisip Kalaallit Nunaannut atortussangortitaaneraniq peqqussummi nr. 549, 21. august 1986-imeersumi kapitali 2-mi aqqiiffigineqarput.

Peqqussummi § 10, imm. 1 malillugu meeraq ataatsimik arlalinnilluunniit siuliaqutserneqassaaq. Atermik siuliaqutiviunngitsumik imaluunniit meeqqamut ajoqutaasinnaasumik toqqaasoqassanngilaq. Meeqqap siuliaqutaa (sulisaatsimi palasi atuagarsualerisooq) kingusinnerpaamik inunngorneranit ukioq ataaseq qaangiuppat atuagarsuarnut allattaavinnut nalunaarutigineqassaaq takuuk peqqussummi § 10, imm. 2.

Peqqussummi § 10, imm. 4 naapertorlugu Namminersornerullutik Oqartussat (maanna Namminersorlutik Oqartussat, aqqiss.) paasisimasaqarluartunik ilaasortalimmik ataatsimiititaliussapput, taakkualu siuliaqutip kalaallinik peqqaarfegartup qulaani piumasarineqartoq naammassineraa aalajangissavaat. Suliassaq taanna Oqaasiliortunit sularineqassaaq, takuuk Oqaasiliortut pillugit Inatsisartut inatsisaanni nr. 5, 1. juni 2017-imeersumi § 2, imm. 1-imi, nr. 4.

Siuliaqutip allangortinnera (sulisaatsimi palasi atuagarsualersumut, aqqiss.) atuagarsuarnut allattaavinnut nalunaarutiginninnikkut pisinnaavoq. Tamatuma saniatigut siuliaqutip allangortinnera qitornavissiarthaarnermut akuersissuteqarnermi pisinnaavoq takuuk peqqussummi § 12. Piumasaqaatit, ateq siuliaqutiviussaaq, aamma tamanna meeqqamut ajoqutaassanngilaq, pisumi tassani soorunami aamma tamanna atuuppoq.

Aternut tunngasunut malittarisassat nutarterneqarnissaannut pisariaqartitsisoqarsinnaanersoq qimerluussallugu naleqquttusoq Naalackersuisut isumaqataapput. Aamma tamatumunnga tunngatillugu ataatsimiititaliap inassutigiumaagai Naalackersuisut utaqqimaarniarpaat.

Inussiarnersumik inuulluaqqusilluta


Doris J. Jensen